

К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

**“Коми Республикаын кар стрӧитан удж юкӧнын
ӧткымын юалӧм йылысь” Коми Республикаса Оланпасӧ
вежсьӧмьяс пыртӧм йылысь**

Примитӧма Коми Республикаса

Каналан Сӧветӧн

2020 вося ӧшым тӧлысь 17 лунӧ

1 статья. Пыртны “Коми Республикаын кар стрӧитан удж юкӧнын ӧткымын юалӧм йылысь” Коми Республикаса Оланпасӧ (Коми Республикаса канму власьт органьяслӧн индӧд-тшӧктӧмьяс, 2007, 8 №, 4939 ст.; 2008, 2 №, 16 ст.; 2009, 41 №, 769 ст.; 2010, 44 №, 1029 ст.; 2011, 23 №, 599 ст.; 47 №, 1340 ст.; 2012, 34 №, 779 ст.; 51 №, 1167 ст.; 2013, 11 №, 221 ст.; 41 №, 795 ст.; 2014, 13 №, 218 ст.; 2015, 12 №, 160 ст.; 2016, 10 №, 106 ст.; 17 №, 229 ст.; 2017, 5 №, 86 ст.; 24 №, 419 ст.; 2018, 10 №, 175 ст.; 19 №, 357 ст.; 2019, 11 №, 150 ст.; 2020, 4 №, 33 ст.; 18 №, 299 ст.) татшӧм вежсьӧмьяс:

1. Содтыны татшӧм сюрӧса 11¹ статья:

**“11¹ статья. Муӧн вӧдитчан да стрӧитчан
правилӧяс вынсьӧдӧм**

Муӧн вӧдитчан да стрӧитчан правилӧяссӧ вынсьӧдӧны Коми Республикаын муниципальной юкӧнъяслӧн меставывса администрацияс пӧрадокын, кутшӧмӧс урчитӧма Россия Федерацияса кар стрӧитан кодексӧн муӧн вӧдитчан да стрӧитчан правилӧяс вынсьӧдӧм могысь.”.

2. 14 статьяӧ содтыны татшӧм сюрӧса 6 да 7 юкӧнъяс:

“6. Россия Федерацияса кар стрöитан кодекслөн 29² статьяса 4¹ юкөнөн урчитом случайн кар стрöитом проектируйтан динму нормативьясын да (либö) меставывса нормативьясын колö урчитны рöштшöт петкöдласьяс, кутшöмьясöс абу индöма тайö статьяса 2, 4 да 5 юкөньясын.

7. Кар стрöитом проектируйтан меставывса нормативьяссö да кар стрöитом проектируйтан меставывса нормативьясö пыртöм вежсьöмьяссö вынсьöдöны Коми Республикаын муниципальнöй юкөньяслөн меставывса администрацияс Россия Федерацияса кар стрöитан кодекс серти.”.

3. 15 статьяын:

1) 4 юкөннын:

а) 5 пункт киритны;

б) 6 пунктö “Коми Республикаöс” кывьяс водзын содтыны “дыр кадся период вылö” кывьяс;

2) 5 юкөнса 1 пункт гижны тадзи:

“1) медшöр юкөн, мый урчитö рöштшöт петкöдласьяс, кутшöмьясöс урчитöма тайö Оланпаслөн 14 статьяса 2, 4 – 6 юкөньясөн;”.

4. 17 статьяö содтыны татшöм сюрöса мöд абзац:

“Муөн вöдитчан да стрöитчан правилöяссö, кутшöмьясöс урчитöма тайö Оланпаслөн 11¹ статьяөн, да кар стрöитом проектируйтан меставывса нормативьяссö, кутшöмьясöс урчитöма тайö Оланпаслөн 14 статьяса 7 юкөнөн, вынсьöдöны 2022 вося тöвшöр тöлысь 1 лунöдз кадколастö.”.

2 статья. Тайö Оланпасыс вынсялö сийöс официальнойнöй йöзöдан лунсянь.

СЫКТЫВКАР

2020 ВОСЯ ӨШЫМ ТӨЛЫСЬ 24 ЛУН

98-РЗ №